

# MARTXOAK 14 KALERA

Martxoaren 14ean kalera irtengo gara. Euskal Herriko Eskubide Sozialen Karta onetsi dugun eragile sozial eta sindikalek Programa Soziala landu dugu, non instituzioei exijitzen diegun hainbat neurri hartzea. 3 printzipiotan oinarritzen gara:

- Bizitzaren iraunkortasun orekatua erdigunean izango duen gizarte eredia defendatzen dugu.
- Gai ekonomiko nahiz sozial eta lan arlokoetan erabakitzeko erabateko ahalmena aldarrikatzen dugu.
- Gure helburuak lortze aldera, mobilizazioa ezinbestekoa dela sinetsita gaude.

Ezartzen ari diren gizartearen aurkako politikak biztanleriaren pobretze orokorra ekartzen ari dira. Aberastasunaren banaketa geroz eta bidegabeagoa da eta langabezia, prekarietatea, pobrezia eta desberdintasun ekonomiko eta sozialak areagotzen ari dira.

Honen aurrean, Eusko Jaurlaritza, Nafarroako Gobernua eta EAEko 3 Foru Aldundiak ez dira ari politika publikoen orientazioa errotik aldatzeko beharrezko neurriak hartzen.

**Horregatik exijitzen dugu:**

## AURREKONTU, FISKALITATE ETA POLITIKA SOZIALEN ALDAKETA

1. Espainiako gobernuak onartu dituen aurrekontu mugapen nahiz murrizketak ez onartzea. Hego Euskal Herriko instituzioek onartutako murrizketen errebertsioa.
2. Ondasunaren banaketa bidezkoagoan lagunduko duen politika fiskal justu eta progresiboa.
3. Sektore sozial estrategikoak bermatzeko zerbitzu publiko propioak garatu.
4. Prestazio sozialak handitzea.
5. Eskubide Sozialen babesa legez aitortu, halanola, etxebizitza izateko eskubidea, menpekotasun egoera guztiak babestea edo hezkuntza publikoaren eskubidea maila guztietan.
6. Gure eredu sozio-produktiboa antolaketan aitzindari izango den sektore publiko indartsua sustatu.

## KALITATEZKO ENPLEGUA SORTZEKO POLITIKA

7. Kalitatezko enplegua defendatu, sortu eta banatuko duen politika ezarri:

- Soldaten hobekuntza nabarmena, bereziki baxuenak.
- Espedienterik aurrera ez eramatea gehiengo duen ordezkaritza sindikalaren akordiorik gabe.
- Lan eguna 35 ordurara murriztea
- Atzera bota lan erreformak eta negoziazio kolektiboarenak.
- Aparteko orduak ezabatzea.
- Erretiro adina aurreratzea
- Europar Karta Sozialaren parekoa izango den Lanbide arteko Gutxieneko Soldata ezartzea.

## JENDARTEAREN PARTE HARTZEA BERMATU

8. Instituzioak berregituratu, politika ororen diseinu, erabaki hartze eta kontrolean jendartearen parte hartze demokratikoa ahalbidetzeko.

9. Garatu eta erraztu zorraren herri auditoria, eta zilegizat jotzen ez den zorraren zatia ez ordaintzeko konpromisoa.

## BIZITZAREN JASANGARRITASUNA ETA ONGIZATEA

10. Pertsonak, herriak eta natura lehenetsi beharra dago multinazionalen etekinen aurretik eta instituzioei exijitzen diegu TTIP-a errefusatzea.

11. Bizitzaren jasangarritasuna eta ongizatea bermatzeko, zainketa lanak sozialki aitortu eta banatu.

12. Baldintza laboral eta sozialen berdintasuna bermatu, bai genero, adin, sexu joera, aniztasun funtzional edo nazionalitateengatiko diskriminazio oro ezabatuz.

## DEMOKRAZIA ETA ESKUBIDE KULTURALEN DEFENTSA ETA HORIEKIKO KONPROMISOA

13. Askatasun demokratikoen murrizketa errefusatu, baita mugimendu sindikala eta sozialaren aurkako errepresioa.

14. Zeharkako neurri eta politikak ezarri emakumezkoek jasaten duten zapalketa eta bortxakeria ekiditeko.

15. Euskara eta gure kulturaren normalizazioa.

16. Arlo ekonomiko nahiz sozialean ahalmen normatibo osoa eskuratzeko burujabetza prozesua sustatu.

Martxoaren 14ean aukera izango dugu, Bilbon eta Iruñean, aldarrikapen hauekiko gure konpromisoa erakusteko. Mobilizazioarekin bakarrik lortuko dugu.



manifestazioak  
**MARTXOAK 14 de MARZO**  
BILBO: 17:00 Sdo. Corazón  
IRUÑEA: 17:30 Parque Antoniutti

**ELA-LAB-STEE-ELAS-ESK-EHNE-HIRU**